

Ineqarnermut, Attaveqarnermut Aatsitassanullu Naalakkersuisoq
Landsstyremedlem for Boliger, Infrastruktur og Råstoffer

Inatsisartunut ilaasortaq Esmar Bergstrøm
Inatsisartut
/maani

1. januar 2006-imi ineqarnermut akiliutit iluarsivigineqarnerat pillugu

Inissiani attartortittakkani INI-mit pigineqartuni toqqaannangitsumik ineqarnermut akiliutit amerlineqarsinnaaneratt pillugu pingasunik aalajangersimasunut tunngasunik apeqquteqarputit.

Aallarniutigalugu suliassa qarfirmi tassani pissutsit assigiinngitsut nassuiaateqarfignissavakka. Aallaqqaammut erseqqissaatigilaassavara inissianik attartortittakkani Namminersornerullutik Oqartussat aamma kommunit piginnittuummata. A/S Inissiatileqatigiiffik ingerlatseqatigiiffittut aqutsisoqarfiinnaavoq, illuutini piginnittuunani.

Pisortat inissiaataanni attartortittakkani ineqarnermut akiliutip aalajangerneqarnerani attartortitsisup aningaasartuutaasa matussuserneqarnissaat periarfissineqartussaavoq. Tassalu ineqarnermut akiliut aningaasartuutit akiviusullu malillugit aalajangigaavoq.

Inissiani attartortittakkani ineqarnermut tapiissutit pillugit Inatsisartut peqqusutaanni nr. 3-mi, 31. maj 2001-imeersumi § 4-mi allassimavoq *"Ineqarnermut tapiissutit tunniunneqarsinnaapput taamaallaat inissiani attartortittakkani ineqarnermut akiliummut. Atukkanut aamma atukkanut akitsuutinut ineqarnermut tapiissutit tunniunneqarsinnaanngillat."*

Taanna malillugu kommunit ineqarnermut akiliutini ineqarnermut tapiissuteqarsinnaatitaaffiusunik naatsorsuinerminni ineqarnermut akiliummiit atuinermut aningaasartuutaasinnaasut imaluunniit atuinermut akitsuutaasinnaasut piiartussaavaat. Tamatumunnga atatillugu erseqqissaatigineqassaaq atuinermut aningaasartuutit imaluunniit atuinermut akitsuutit pineqartut tassaammata innaallagissamut, imermut kiassarnermullu aningaasartuutit.

01.03.2006
J.nr.
36.60/00
Postboks 909
3900 Nuuk
Oq/tel +299 34 54 00
Fax +299 34 54 10
iap@gh.gl
www.nanoq.gl/iap

Qullernut il.il. innaallagissamik pilersorneqarneq eqqarsaatigalugu attartortut ataa-siakkaat ingerlatseqatigiiffillu pilersuiffiusup Nukissiorfiit akornanni toqqaan-nartumik isumaqatigiissusiortoqartussaavoq. Attartortoq nalinginnaasumik qaam-mammoortumik pilersuiffiusumut, ukiumut ataasiarluni atuinermi uuttuutininik atuaal-luni piffissamut naatsorsuusiortartumut imaluunniit inaarutaasumik naatsorsuusi-ortartumut akiliuteqarallartarpoq. Taamaattumillu innaallagiq ineqarnermut akili-ummut ilanngunneqarsimanngisaannarpoq.

Kiassarnermut akiliut nalinginnaasumik attartortup ineqarnermut akiliummut ilan-ngullugu akiliutaagallartutut akilertarpaa. Tassalu kiassarneq ineqarnermut akiliutip ilagingilaa. Kiassarnermik pilersuisoq ukiumut ataasiarluni kiassarnermut naatsor-suusiortarpoq, kiassarnermullu aningaasartuutit attartortut ataa-siakkaat akornanni agguarneqartarpoq. Kiassarnermut naatsorsuutit tunngavigalugit akiliigallarnermi akiliivallaarutit utertinneqarsinnaapput aammalu akiliigallarnermi akiliinikipallaaru-tit akilersinneqarsinnaallutik.

Imermut aningaasartuutit siornatigut ineqarnermut akiliut aqcutigalugu akilersin-neqartarput, kisiannili ineqarnermut tapiissutit naatsorsorneqartarnerini, imermut assigiimmik akeqartitsinerup peerneqarnerani kiisalu imermut aningaasartuutit ersarinnerulersinneqarnissaannik sipaarnissamullu kajumissaarinissamik kissaa-teqarnermi imermut aningaasartuutit ineqarnermut akiliummit immikkoortinnia-rneqarnerat annertuumik ajornartorsiorfigineqarmat, Inatsisartut tamatuma allann-guiffiqineqarnissaa akuersissutigaat. Inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi § 44, imm. 2-mi *al-lassimavoq "Attartortitsisoq attartortumut imermik pilersuisuuppat, attartortitsisoq tamatumunnga aningaasartuutini matussusertinniarlugit piumasaqarsinnaavoq. Attartortitsisup attartortoq attartortitsisup imermut aningaasartuutaanut matusissu-tissanik akiliutaagallartussanik akileeqqussavaa. Akiliutaagallartussat qaammam-mut ataasiarluni immikkoortillugit ineqarnermut akiliutissat nassiunneqarnerinut ilanngullugit akilersinniarneqartassapput."*

Inatsisartut erngup immikkoortillugu ineqarnermut akiliutip akilersinniarneqarnera-nut peqatigitillugu akilersinneqartalernissaanut akuersinerisa kingunerisaanik INI-p 2006-imut missingersuutit avippai, taamaalilluni imermut aningaasartuutit ineqar-nermut akiliummit peerneqarlutik. Tamatuma kingunerisaanik missingersuutit tun-gavimmikkut imermut akiliutissatut immikkoortinneqartut nalinginik appariarput.

Tamatumunnga peqatigitillugu INI ukiumut tulluuttumut, tassalu 2006-imut missingersuusiortussaavoq, tassanilu 2005-ip ingerlanerani akit akissarsiallu qaffariaataat eqqarsaatigisussaallugit, kiisalu aningaasat pilersaarutaasumik aserfalletsaaliuinissamut illuartitassat iluarsisussaallugit.

Pisuni amerlanerpaani najugaqarfimmut ataatsimut missingersuusiat akit akissarsiallu qaffariarnerisa kingunerisaanik amerliallassapput. Tamatuma peqatigisaanik imeq ineqarnermut missingersuutinit peerneqartussaammat, najugaqarfinnut missingersuusiat appaallannerinik tamanna kinguneqarpoq.

Aperivutit: " Qangaanerusoq imermut akiliut ineqarnermut akiliummut ilanngunneqareertarpoq. Maannali attartortut imermik atuinerminnut immikkut akiliisalissapput. Paasisutissat ataani atsiortup pissarsiarisinnaasimasai malillugit A/S INI ´mut ineqarnermut akiliutaasartut taama amerlaqqataannik ikilineqarsimasorinangillat. Taamaattoqarnera naalackersuisut uppersarsinnaanerpaat?"

Oqaatigineqareersutut ineqarnermut akiliut tunngavimmigut 1. januar 2006-ip kingorna imermut akiliutaagallartartup annertoqataanik appartussaavoq. Tassanili annikitsunik allanngortoqarsinnaavoq, soorlu 2006-imi imermik atuinerup 2005-imi imermik atuinermut naleqqiullugu qaffannissaa imaluunniit apparnissaa ilimagineqarsimappat, imaluunniit imermut akit qaffannerat apparneralluunniit pequtigalugu. Kisianni aallaaviatigut imermut akiliut ineqarnermut akiliummit peerneqasaaq, tamatumalu kingorna ineqarnermut akiliummut ingiaqatigitillugu akilersinniarneqartalissalluni.

Aperivutit: Qulaani taaneqartut naalackersuisut uppersarsinnaagunikku pillugu teknikkikkut, allaffissornikkut pissutsit ineqarnermut akiliutit inissisimanerisa tulluussarsimanngissorinarnerannut peqqutaasut naalackersuisunut nassuaqquneqarput?

Inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi kiisalu Namminersorerullutik Oqartussat kommunillu inissiaataannik attartortittakkanik attartortitsisarneq pillugu nalunaarummi tassunga atsumi allassimavoq, Namminersorerullutik Oqartussat kommunillu ilaqutariinnut arlalinnut inissiaataanni najugaqarfimmi ataatsimi inissianik attartortitsinermit isertitat tamakkiisut sukkuulluunniit annertussusilerneqarnerini inissiaqarfimmi aningaasartuutit tamarmik matussuserneqarsinnaasasut, taakkununnga ilanngullugit inissianik piginnittup aningaasatigut iluanaarutissanut aningaasartuutai aamma

anigaasartuutit ingerlatsinermut attuumassuteqartut, taassuma ataani allaffissornermut akiliutit, aserorterinissamik akiuiniarnermut akiliutit aamma akiliutissatut illuartitassatullu aalajangerneqartut. Ineqarnermut akiliut ukiumoortumik attartortitsisup najugaqarfinnut ataasiakkaanut ukiumut tulliuuttumut ingerlatsinermut missingersuusiai akuerisaalu tunngavigalugit aalajangerneqartassaaq.

Ineqarnermut akiliut inuiaqatigiinni nioqutissat sullissinerillu allat assigalugit ukiumiit ukiumut allannguuteqartassaaq. Akissarsiat qaffappata aamma ineqarnermut akiliut qaffassaaq, akissarsiat sullissinerneq najugaqarfiup pisiarisartagaanut ilaammata. Uuliap akia qaffappat aamma ineqarnermut akiliut qaffassaaq, uuliap akiata nioqutissat sullissinerillu najugaqarfiup pisiarisartagai sunniuteqarfigisarmagit. Nassiussinermut akil qaffappata aamma ineqarnermut akiliut qaffassaaq, nassiussineq nioqutissat najugaqarfiup pisiarisartagaasa amerlanersaanut ilaasarmat.

Taamaattumik ineqarnermut akiliut ukiut tamaasa inuiaqatigiinni anigaasartuutit allannguutaannut naleqqussaavigneqartassaaq. Tamatuma saniatigut ataatsimut isigalugu inissiani attartortittakkani anigaasaleeqqinnissamut, nutarterinissamut iluarsaassinissamullu pisariaqartitsineq annertusiartorpoq, tamannattaarlu aamma ineqarnermut akiliutip annertussusaanut sunniuteqartarpoq.

Aperivutit: "Teknikkikkut allaffissornikkullu peqqutaasorinartut A/S INI'p ineqarnermut akiliutit inissisimanagerat naleqqussarsimangippagu, naalakkersuisut qinnuigineqarput ilisimatitsissasut A/S INI'p ineqarnermut akiliutit inissisimanagera tulluusarnissaat qulakkeerniarlugu naalakkersuisut qanoq iliussamaarnersut?"

INI Namminersornerullutik Oqartussat inissiaataanik attartortittakkanik aqutsisutut pisussaavoq ingerlaavartumik missingersuutiniq nakkutilliissalluni, aammalu qaammatit pingasukkaarlugit anigaasaqarneq pillugu nalunaarusiussalluni. Missingersuutiniq nakkutilliinermi missingersuutiniq iluarsiinissamut akuerisaasut iluanni iluarsivigneqarsinnaangitsunik ingerlatsinermi amigartooruteqartoqarpat, ukiumut tulliuuttumut missingersuusiornermi ineqarnermut akiliutip qaffanneqarnissaa siuumoortumik nalunaarutigineqassaaq. Ingerlatsinermut amigartoorutit 8,3%-it sinnerlugit amerlassuseqartut paasineqarpat, INI ukioq missingersuusiorfiusoq nutaaq utaqeqqaarnagu erngerluni qaammatiniq pingasunik sioqqutsisumik ineqarnermut akiliutip qaffanneqarnissaanik nalunaaruteqassaaq.

Missingersuutini nakkutillinermi annaasanut matussutissatut illuartinneqareersut atorlugit iluarsivigineqarsinnaangitsunik akiliisinnaassutsikkut amigartoortoqartoq paasineqarpat, ukiumut tulliuttumut missingersuusiornermi ineqarnermut akiliutip qaffanneqarnissaa siumoortumik nalunaarutigineqassaaq, tamatumani akiliisinnaassutsikkut amigartoorutit qaangerneqarsinnaasutut isumaqarfigineqanngippata.

Erseqqissassallugu pingaartippara ineqarneq imminut napatittussaammat, taamaattumillu attartortut ineqarnermut akiliummut akiliivallaartussaangimmata akiliinikipallaaratillu. Taamatuttaaq erseqqissassallugu pingaartippara ineqarnermik aqutsineq ajornanngitsumik, paasiuminartumik erseqqissumillu ingerlanneqassammat. Taamaattumik attartortut eqqortunik naleqquttumillu paasissutissineqartarnissaat pingaaruteqarpoq. Pingaartumillu najugaqarfiit ingerlanneqarnerini, imaluunniit ineqarnermut akiliutit naatsorsorneqartarnerini akilersinniarneqartarneriniluunniit annertuunik allannguisoqartillugu tamanna pingaaruteqarpoq. Tamanna A/S Inissiaatileqatigiiffik INI-mut allakkap matuma assilineratigut nalunaarutigineqassaaq.

Taamaalillunga neriuppunga apeqqutigineqartut akissuteqarfigisimassallugit.

Ikinngutinnersumik inuulluaqqusillunga

Jørgen Wæver Johansen